

5. september 2025

UKA 2025/123

Inatsisartut Suleriaasianni § 36 naapertorlugu apeqquteqaat aallaavigalugu siunnersuut imaattoq matumuuna saqqummiuppara:

Nuugaatsiaq Illorsuillu siunissaat pillugu apeqquteqaat aallaavingalugu oqallisissiatut siunnersuut.

(Inatsisartunut ilaasortaq, Aqqalu C. Jerimiassen, Atassut)

17 juuni 2017 unnukkaa tusarparput Nuugaatsiarooq tassaarsuaqarneranik eqqugaasoq , illunngooq amooqqarneqartut.

Pisoq eqqaaginnarlugu namminerlu meerarisat Nuugaatsiarmiunik siuleqartut uummatikkut sakkortuumik eqquisarpoq, sulilu qiassaq qamuuna takkuteqqajaasutut ittaraaq ”Illu qaarsumi sanaasoq appinneqartillugu”.

Oqallisissiamili eqqartorusupparput, Nuugaatsiaq Illorsuillu eqqartorneqalersillugit, ataatsimoortillugit eqqartorneqartarnerat ilumut maannakkumut tulluarnersoq.

Tassami qivialaartariaqalerparput, Niaqornat inui uterteqqinneqarnikuupput, naak taamatuttaaq ulorianassutsikkut nalunaarsuisimaneq annertungaluartoq, taamaattorli qimaaffissianik aqqissuussisimanikkut piumasaqaataasut naammassineqarsimasut.

Nuugaatsiaq eqqarsaatigalugu takorlooruminaappoq uterfigineqaqqissinnaanera piffissami qaninnermi, isumannaallisaanikkummi annertoqisumik iliuuseqaqqaartariaqassuugut tassaaqqissangaluarpat mallit qaarnerisa kingaallasaatissaannik annertoqisunik suliaqartariaqassagatta, imaluunniit illut nutaat sananeqartussat qullaseqisumut inissinneqartariaqassammata, sissarlu illuerutiivittariaqarsinnaammat.

Illorsuilli uani allarluiinnaavoq, Nuugaatsiami tassaaleruttornerani pavungarsuaq mallit ingerlasut Illorsuarni iisagusannertut issimasoq assit aalasuliat takutimmassuk.

Illorsuit inuussutissarsiornikkut siuariartorfissanik ulikkaarpoq, aalisarnikkut annertuumik isumalluutaavoq eqqaa, ammaqpinneqarsinnaanissaanullu isumannaallisaatit qanoq ittut pisariaqartinneqarnerisut maanna eqqartorluarnerusariaqalerparput. Oqaaseq ”inuttai uterusupput” atorpallaanngikkaluarlugu, nunaqarfiulli ineriartornikkut periarfissarisai inatsisit maanna atuuttut atorlugit qanoq ammariartuaarneqarsinnaanersoq inissittariaqarpoq. Niaqornat qimaaffissiorneqarnikuuvoq piumasaqaataasut malillugit, taava soormita Illorsuit taamaalisinnaanngilarput?

Atagu periarfissanik ujaasisa, naalakkersuinikkut kommunillu qanimut suleqatigiisillugit isumannaallisaanikkut upalungaarsimanikkullu piffik eqqartugarput periarfissarsiuunniartigu.

Illorsuit Nuugaatsiamut sanillersuukkunnaartariaqarparput, nalunngilarpummi tassaarnerani pissutsit qiviaraanni qanoq assigiinngilluinnartiginersut! Nuugaatsiami inuit inuunerinik sisamanik akeqarpoq, illorpaaluit amooqqarneqarput. Illorsuarni sissamut iluliusaq qaqivoq, assigiinngitsuarsuulu anginngitsut saavillutik, ilaa assigiinngissusaa ersarikkaluaq.

USA-mi illoqarfiit inuttunersaat Los Angeles nunataa sajuttartorsuungaluaq taamaattoq najungassatut toqqarneqarsimavoq, 1994-imilu sajorujussuarmat kingullermik inuppaalussuit inuunerinik akeqarsimavoq, taamaattorli upalungaarsimanikkut sukatererujussuarnerit kingunerinik sajuttaraluaq sulii ajoquseritut tamassuma kingorna 100-junit amerlaneroqqissimanngillat.

Qaa taava illinniarfigitigit tamakku! Illorsuit Nuugaatsiamut sanillersuussassaannigilaq, Niaqornat ammasinnaappat Illorsuit ammaqpinneqarsinnaassooq.

Oqallilluarisi.